

十五『國家重點圖書出版規劃項目』

王 編 張繼禹

本冊主編 李遠國

中華道藏

第三三冊

華夏出版社

目 録

001 太玄金鎖流珠引	一
002 上清靈寶大法	一六八

001 太玄金鎖流珠引

經名：太玄金鎖流珠引。原題李淳風註。約出於唐宋間。詳述正一、上清等派符咒禳灾法術。二十九卷。底本出處：《正統道藏》太玄部。

目錄

太玄金錄金鎖流珠引序

卷一

三五步綱引

卷二

三步九跡圖

卷三

初受三五法

卷四

五等禮師引訣

卷五

太玄元炁所生三元引

卷六

存使周將軍法圖

存使葛將軍法圖

存使唐將軍法圖

存使七斗法圖

卷七

說中篇上部轉身存用圖

卷八

說上元三部將軍及三功曹等圖

卷九

上元上部將軍步綱圖

上元中部將軍步綱圖

上元下部將軍步綱圖

卷十

存誦中斗七星名法圖

說存使四斗法圖

說倚配衣存行法圖

說立配衣存行法圖

說眠配衣存法圖

卧斗法

說坐配衣存法圖

說使柱天力士擊敵凶惡圖

卷十一

說佩諸天隱諱

說佩諸地隱諱

拔宅上昇天宮

老君授拔宅內綱訣圖

卷十二

五行六紀所生引上

卷十三

五行六紀所生引中

後聖君告四時五行符

卷十四

五行六紀所生引下

卷十五

五行六紀所生下之下

卷十六

六甲陰功上

卷十七

六甲陰功上之上

卷十八

六甲陰功下

卷十九

六甲陰功下之下

六甲靈書陽功

卷二十

六甲七星步躡為國戰賊救度厄符法

卷二十一

二十八宿旁通曆仰視命星明暗扶衰度厄法

北斗二十八宿醮祭日月時法

卷二十二

醮七星二十八宿法
雜使天關助國安家護身出灾度厄救人濟物衆法

言赤章助國伐賊法

發符檄制止三官中凶惡為崇害人物等法

卷二十三

行符斷邪治病法

出引用符治病護身鎮厭除害却禍消怪等事

治救病疾禁止鬼神追捉妖祟出牒等法

法

卷二十四

伏虎使龍禁蛇法

考召法師及志道之人等家每年正月

一日早朝人未起前自發牒符保護身家令平安無疾疫法

為一切官人保護身家口發牒住處社廟及宅保一二年合平安法

為百姓除禍鎮灾殃保護身家同前用法

考召法師將家口或自身行往他州界先發貼牒太廟扶迎拜送保護往還法

誅符破廟法

法

三會日醮祭言功遷賞吏兵法

卷二十五

表奏請補考召法中靈仙職大遷舉賞

三元六甲七星九天二十八宿三十五神官五嶽九州社廟法

州國郡府州地多水火疾病灾害不安

作符章鎮厭法

國郡府州破山魑鬼及妖精鬼作祟亂

者遙與收斷禁止法

考召法師身家常自厭鎮口舌法

為官人及百姓厭鎮口舌法

為官人百姓斷内外注祟鬼賊妄為蟲

為官人百姓斷瘟法

為官人百姓斷瘟法

為官人百姓斷瘟法

為官人百姓斷瘟法

為官人百姓斷瘟法

為官人百姓斷瘟法

發諸色符牒牒遠州收為崇神鬼邪精法

發牒問遠親故平安請報消息法

為國尅斷妖星惡祥異氣欲作灾怪法

為府郡官人斷妖灾怪祟亂身家法

為百姓家斷妖怪祟亂身家法

卷二十六

為國王帝主拜上大元辰千車五墓却

死來生令疾病除差平安如願章法

為諸侯三品五品等大官上大元辰千

車五墓却死來生令疾病除差平安如願章法

願章法

為國除蝗蟲灾損食人種植香苗五穀

使天火消之法

志人為國及身家修道合用法器等科律法

律法

志人為國及身家修道用式等給數科儀通濟法

儀通濟法

志人為國及身家修道傳法錄及救人

物疾病合用太上前聖老君法印二十四窠法

四窠法

志人修道恐灾及身逃避及助國行水

不没不溺法

卷二十七

志人學道縮地往來之法

入洞天法

功名遂欲乘龍駕鶴乘風上天入地

入水入石法

畫地爲江河或爲衆山法

變壺器盛天地六甲七星府天營出沒

隱見法

卷二十八

考召法師說巡遊圖法

考召法師存思說召延壽六星君名圖

法

卷二十九

考召法師存思木官起屋救病法

考召法師存思說身巡遊病家圖法

考召法師存思說青龍白虎朱雀玄武

鎮疾圖法

太玄金錄金鎖流珠引序

中華仙人李淳風序并註

太上三五太玄金錄者，即元始天尊傳太上大道君也，號高聖太上玉晨玄皇大道君。

註：元始分身也，或云天尊弟子，為萬道之主。

道君傳紫清太素高虛洞曜三元上道君，君傳紫晨太微天帝道君。

註時號上清至真道尊，為三十六天之主也。

君傳紫明太微九道高元玉晨道君。又傳太上老君。

註：一云太上老君，是太上道君弟子，非師太微天帝，應是傳太平金闕帝晨後聖玄元上道君也。此亦是太上老君分身，故稱託胎出號老子，而授流珠履年之法。

太微天帝君之下，玉晨道君傳紫元太微八素三元玄晨元君，君傳紫微元靈龜臺九靈太真元君。

註：主教訓天下學真之人。

君傳大靈上霄飛晨中央黃老君，君傳太元東霞搏桑丹林大帝上道君。君住搏桑，傳二十真人。中土絕傳。紫晨太微天帝道君，傳上清太平金闕帝晨後聖玄元玉皇上道君。

註：一云玉皇大帝大道君是也。主下理十天，封掌兆人，上通上清，為後聖君。

前聖太上道君，稱萬道之主，號曰虛皇。後聖太上老君，稱萬道之君，號曰玉皇。自有金闕帝君，官臣具足，亦如世人君人臣之任，各有主掌，天宮九野皆周也。君姓李，名聃，字伯陽。改金錄名之曰太玄三五金鎖流珠經錄，正論履斗步綱之要。錄有八十六篇，四十三卷。上詣太上老君，號高聖太上玉晨玄皇大道君。請此四十三卷，下傳世人，係代為真君真臣，願度十天。

註：九野之數，并下天界，曰十天。世界，為上天神仙都玉京，稱玉皇上帝也。以自撰略為一十五卷正經，及掌訣圖書，論步綱躡紀之事，總號之金鎖

大名，次流珠，次飛步天綱，次即禹步地紀。傳二十卷與尹君，君號後聖大法師左上卿。卿傳方諸大真人，皆佐後聖。聖又傳後聖太師，

註：天師是也。

太微左真保皇道君。

註：主封校兆人，三天之上九天官

主。

後聖又傳九微太真玉闕上相大司命高晨師東海玉明青華小童道君。

註：主教知真而得真者。有志修之人，得正度傳法，為上真仙都玉京金

闕後聖玉皇帝君下仙之臣。

後聖君又傳後聖上保，

註：君封此位。

司南極太丹元君紫元夫人，

註：主教當為真人者，便授太丹之

經，流珠之訣。

夫人有二人。一紫微夫人，姓李，後聖君第三女，曾事清河王君

註：方平。

小子也。子為周穆王上宰相，年百年而已，性不於道著功，夫人勸行履斗之

法，不行也。

註：名仲春。

君又傳白山太素真君。

註：令同王下教真道也。

後聖君又傳後聖上宰。

註：仙家上宰，臣總真之位，如世上

尚書宰相之位。

西極總真王君，

註：主教成真者，便行教修金鎖流

珠金經金籙之道，多有拔宅上昇，家

口俱去者至多也。

總真傳南極南嶽真人左仙公太虛上真

赤君。

註：主教當為真人者，即授此流珠

飛步之道，與君下再與行之。

又傳侍帝晨領五嶽司右弼王桐栢真人

王君，佐後聖君。後聖君再授玄洲

註：一云玄州字是也。

二十九真人。

註：主關奏仙名，應合受師，奏授籙

法，今試不遇與過者校量，先奏後聖

玉皇帝，可保仙官職名。二十九真，

各主九地萬國，千山萬水，下界人名

主之。秦楚南海，小童君主之。燕齊北真，大童君主之。宋衛鄭梁，西靈童主之。都管東海者，大童君主之。

各主諸方界，關奏合有仙功著仙，聞於太平金闕後聖君，便令教試，依功給道，可仙給仙，可真與真。其中除仙真外，亦有三等，上等著功者。

註：功是內心先行仁德於人，救治疾病貧乏，後行履斗服符，日月年歲之功也。非世廣造土木為觀寺，是人天之善，未必得為功德，與道永乖也。風見西胡人神之教，亦不令人苦造土木等寺廟。亦令守心，行十善之教。如年夏深成可告天。天給金剛本佛受者經，乃言功德。功德滿，道成矣。今見時人至心捨家捨力，為搭廟殿宇者甚多，不見有一人得道也。皆却被五行行瘟之鬼與土木之神，返害其身，喪家滅代者多。風讀《梁志》，蕭帝好重佛教，仍令朝臣以佛經為業，一年於都下起三百六十大寺，廣度僧尼，不修兵甲，後

果被賊臣所禁，身死國亡。豈非此之事，非功德之理也。夫人欲學至道，須明功德之理，慎勿以此慎修行之業也。

第一等者，修身慎行，謹言無妄，修鍊真心，好樂經典，讀誦立功，香火連宵，與人治患。更遇六甲神符，服而年深，且得不死，人中之仙矣。再修得遇仙師，授此圖經，方以履步綱斗，亦得爲真人神仙。第二等者，好鍊金石，以爲真至之藥，救人疾病，堅身理藏，服餌於山間林藪，亦遠萬壽，百年不死，死後亦不爲下鬼，便得託生，受其本福。第三等志心好道，隨從明師。不遠萬里，捨心供力，不憚勞苦，年月深遠，師自與言功記德，即教此經，傳授之後，志心修行，却獲功德於師先，得關奏後聖。當與給道，補爲真人者多矣。

註：張天師也。

及總真王君金闕聖君。又授紫微左夫人，

註：主教當成爲真人者，三試過即

先奏金闕，給道封真也。

又下教授二十四真人，昇天爲二十四玉京左右金闕上真宮御史臣。

註：主教檢諸天諸地、生民之事，量定得真之功，修年月深淺之數，奏度章表。

又使王君總真下校，授茅盈、李仲甫等，爲司命君。

註：主領教學道，當爲真人者，而試之。

令教合道之志者，當以教之。盈以訓二弟及二許，

註：子父仙也。

楊左六人，盡以授修，行此經也。後以諸方仙真得者，皆因此經。

或以天尊上真前聖虛皇上帝大道君授傳，或以前聖太上帝大道君所傳後聖玄元玉皇上帝大道君，或分身再傳，或以後聖大宰天師總真，係代相授，賜拔宅，妻子俱昇。如此得仙真之衆，或隱去，或見白日上昇者，人數蓋多，不可一一而書記也。今以略舉，相繼以爲引首之目，叙其前聖後聖金口所傳，

《金錄玉圖流珠示引》。次用前後合行用，依科排比篇名，一一圖分，折其祕要內訣，引入其大道之門。修行得者，繼代付授後學高賢，心命合仙之士。即不得妄傳非人。此引黑書者，老君所授。赤書者，後聖君再言。天師受告，及王君傳錄，具一一注於書後篇用，一一隨卷題配之。

太玄三清金鎖流珠譜序

此金鎖兩字，本尹君傳王君，又傳流珠兩字。

王君問曰：何爲《金鎖流珠》？尹君曰：太上老君還太真尊位，號上清太白金闕帝天師。及王君授弟子王二君，

註：一王長，二王子登。

曰：前聖虛皇上帝大道君，即元始太上道君是也。後聖玉皇上帝，玄元上帝君是也。

註：一云太上大道君，應前位。

玉晨後聖玄元上帝君，改金錄名，號金鎖名。始其意，金鎖本說鎖魂鍊魄，求

生去死之法。本說堅身如金，留神繫鎖。

註：一云留神如鎖，謂之金鎖。舊

金錄說之。

口誦金鎖，

註：呪名金鎖，是理自身流珠，乃助

國以救他人。

足履金綱，

註：步天綱，躡地紀是也。

故名此兩字，以授後賢，曉達其名，應時得道。王君再問，流珠何不解說。

尹君曰：流珠是北斗九星也。

註：北斗七星見，二星不見，并不見

者九星也。

人以修行步綱，故曰流轉隨珠。

註：晝夜斗轉，周天無窮，如水流之

不絕，星圓如珠，故曰流珠也。

本名金錄行法。

註：舊金錄辭言，行法鎖神。

四字為首。後聖君改行法名流珠，即今飛步七星，配衣九斗，伐惡收逆是

也。太上尹真人於後聖君，傳授金鎖

流珠四字。指有三清，

註：玉清、上清、太清是也。

天師造三清序，尹真人著三清詞，王君

歌三清曲。

註：皆言從一得三，從三得五，從五

得七，從七得九，此言三天陽數也，

足於九也。

上極太一，

註：一天也。

下包二儀。

註：地也。

二儀生四，四生六，六生八，八生十。

註：皆從道始生，極陰之數也。

玉清之上帝曰虛皇大道君。

註：元始之號。

玉清之中帝曰高皇太上道君。

註：太上道君之號。

上高皇。

註：太上道君也。

上清之上，玉清之下，帝曰玉皇。

註：太上老君也。又一云：後聖太

平君。

太清之上，上清之十曰天皇帝太一

尊神。

註：太一道君是也。一云：太一師天也，太極之尊神曰天也，道之子。

學道之人，知三清正主，可以學當今上

清之主後聖君，

註：道主也。

太清太一君，

註：天主也。

主之。夫章奏，皆先從太清過，入上

清，注入仙名。亦先從太清注，訖始入

上清注，上金牌也。後聖君告諸真人，

欲求真之道，先須從禹步，即飛天綱。

註：禹者，衣也。本羽字。是正音。

因夏禹理水，得遇此文步綱之法，

禹學之四年道成，使蛟龍虎豹鬼神

之法，開決江河，歸海理水有功，後

入聖真，改為此禹字。因禹也功滿

後三十年，肉身昇仙。禹今為太極

真人，羣臣時見。禹姝俱去。以收

衣冠葬于會稽山，山留遺廟。

名可著於三清。如空步天綱，不知禹

步之道，身不得昇三清，三清亦無名

籍。為地府不奏，天曹無名。

註：夫人雖是天生，植養於地，生死

之命，雖屬於天，善惡之功，須關於地。地之靈者，先須制之。故制地步地紀，制天躡天綱，神靈伏也。

世人不知此道，不得朝三清。其《金鎖流珠》本經，本起玉清大道君也，本名《金錄玉錄內經》。

注：天尊名之《金錄玉錄》也。

後聖改之金錄名金鎖，玉錄號流珠，因以傳授矣。

金鎖流珠引 卷之一

中華總真大仙宰王方平張
道陵趙升王長司命李仲甫
茅盈許玉斧等係代撰述
中華仙人李淳風註

三五步綱引

夫步綱者，是強身健神壯魄之法也。先從地紀，堅勞其身，壯健其神，神炁自然鎮藏，然後通天地，感使神靈也。

注：此法一能治其身，二有餘力，救治於人。

用之速於水火。老君授太虛上靈飛晨中央黃老道君，以作地紀，形七斗。

注：斗七星之形也。

從本生命五苦之地出長生。

注：五苦者五運之所算也。假令金命人，命在巳，巳為長生。死在子，墓在丑，子丑為五苦，從五苦步出長生，故曰出死入生。木命人，命在亥，亥為長生，死在午，墓在未，午未為五苦。水命人，命在申，申為長

生，死在卯，墓在辰，卯辰為五苦。火命人，命在寅，寅為長生，死在酉，墓在戌，酉戌為五苦。土命人與水命人同，用其五苦，命皆取死墓為五苦，取衰病為八難九厄也。上古真仙皆教人行此法。

此謂度五苦八難，消九厄，治百病，師前引弟子登也。後聖君引方諸大童君、小童君，出五苦，入長生。訖又從生入王相，

注：金命人生於巳，王在酉。木命人生於亥，王在卯。水命人生於申，王在子。火命人生於寅，王在午。土命與水命同算用之，五姓皆不能相剋。

以消五行相害之灾。又告王、張

注：王是總真，張是天師。

一真曰：夫人者，身從五行始生，亦從五行所滅，吾知之早矣。況知之晚，亦被所刑害也。皆先作禹步，躡地紀，順倒返三等了，誦五行祝消之，一年消灾矣。

注：五行祝在金鎖流珠上卷第一

中，有五首。先行東向，鳴天鼓三十六通，勅身如法，發爐，出官，坐思頭太一府。訖即立，思存出吏兵，如圖左右，配衣七斗周匝哭配衣出官訖，步綱。步綱畢，即誦祝五首，破五行相剋。畢，又步綱五斗。周畢，誦十二首呪，以剋支干等一十二神，取長生，消五行災。

言一年辟非，二年辟兵，三年辟鬼，四年成地仙，千害萬邪衆莫敢干。自此已往，福慶無端，致神使靈，馭駕飛龍，太極賜芝，玉帝給童，行之二七年，爲上清真人。

註：此說言金鎖上卷先行用，後方便修行天綱飛步之法，即得依前行後聖君言。若單行天綱，未必便辟非矣。此法應須前行地紀，後修行天綱，即可有憑據此法，若行天綱，不行地紀，都無通靈之應。昔上古廣成君教黃帝飛行天綱，試之三十年不通靈。帝再求之，方與金鎖流珠金籙第一，論地紀修行之事。一年之內，用收鬼神，無不如意。二年

滅蚩尤，三年力可以搏虎豹，二七年能分形變萬端，二十八年上昇矣。夫人雖天生地養，種植皆地為基，向忽求之無地所立根源壇基，便作天法，如樓臺之無基，可自得浮空而立也。

前聖後聖，皆親降見，引教弟子行事也。

註：師引弟子登綱，度五苦八難。訖即合與弟子，配著七斗如似衣，謂之配衣也。

師與弟子左右配衣。

註：男先從左發，女先從右發。

第一斗陽明星。

註：左手為魁，蓋頭左肘為魁，左肩為魁，心為魁，右肩為魁，右肘為魁，右手為魁是也。

一斗成，子生人主之。平倚，舉手覆頭上。

註：禁始止凶人惡鬼，使右手指之，隨禁捻訣，訣在掌訣中行。初配衣於身，未用便繫指。

註：閑即未用，急時便即得連於水

火。

第二陰精星。

註：右手為魁，右肘為魁，右肩為魁，心為魁，左肩為魁，肘為魁，左手為魁。

二斗成，丑亥生人主之。平倚，舉右手覆頭上。

註：禁蛇虎豹、鬼物、毒、獸、凶惡鬼神，以用魁，手把魁星，一一指之，如人前但轉手約身用之。

配星著斗之左右，以著星。忽急用便獲，如閑未即用之爲上，上便到七星用，更速驗也。

第三真人大星。

註：左手為魁，左肘為魁，左肩為魁，心為魁，右肘為魁，右膝為魁，右是為魁。

三斗成，寅戌生人主之。

註：主之，或寅戌生人行之，或寅戌生人求長生，或被人謀解之成，加彼惡人鬼祟、虎狼猛獸、山鬼毒神、妖怪之人鬼，但來於東方寅、西方戌地，等至來者，捻都監訣，使第三真

人星網擊之，皆自伏死。如有敵來者，左手為魁蓋頭，右手為魘指之，自伏。不伏被北斗飲血，不逾旬日而自卒，心痛而死。道者慎勿為之。前二星用之，亦與此星同也。

屈右手於前，左手覆頭上，使用之三五指。

註：指之皆言叱言是也。求長生算祿品位，行往兵甲利，但向日，日中時隱為之，彼自敗。

夫真人不受步躡，受配衣於身上，用之甚驗，但以修長生人夜卧，存呼在左

註：女在右。

肩上。令人神安穩，不畏一切人鬼為祟，彼心自伏。往往如此一年之中，辟非矣。

註：夫配夫一月，日三為之，一年之後，用之如神出沒。

第四玄冥星。

註：右手為魁，右肘為魘，右肩為魘，心為魘，左胸為魘，左膝為魘，左足為魘，魘成指之。

四斗成，卯酉生人主之。

註：主之二用總得。一自用修行，請福祿壽，治身灾厄疾病。二為別人總得，若行禁炁之法，七星總須用百禁也。

屈左足於前，右手覆頭上，使用之三五法。

註：法甚能禁止兵火之事，及官病為上，餘用七星同。

第五丹元星。

註：左足為魁，左膝為魘，左肘為魘，心為魘，右肩為魘，右肘為魘，右手為魘，魘指妖精邪魁。

五斗成，辰申生人主之。

註：主之同第四星用之。

屈左足於前，右手覆頭上，用之同前。

第六北極星。

註：右足為魁，右膝為魘，右肘為魘，心為魘，左肩為魘，左肘為魘，左手為魘，魘指用禁制。

六斗成，巳未生人主之。

註：主用同前。

屈右足於前，左手覆頭上。

用同前。

第七天關星。

註：左手為魁，左肘為魘，左肩為魘，心為魘，右肩為魘，右肘為魘，右手為魘，魘指用。

七斗成，午生人主之。

註：主之禁制一切惡人妖鬼，千精萬邪，千鬼萬神，作崇礙之者，皆悉用此星為指制也。諸星雖依次用之，步星第數存用而禁制，唯此天關之星，獨能力制天地之中鬼祟人物，兵官疾病之事萬端，但行用之者，速於水火。

夫七星有數種醮祭，子須知之。但能依科儀而祭，祭有時。春正月、二月中，用本命日，秋七月、八月中，用本命日，清明祭醮。除此不可亂祭醮，返却招禍，莫言求福者也。又常行步綱，須以春秋二度醮常也。

註：若行網躡紀之人，每月修行，須以每年二度祭醮，兼上錢財，并酒脯麪食餅果時新之類祭之，祭自有正文儀，在《流珠經》中下品。

此是後聖君告天師，北斗者是中斗也。

中斗九星，下變為九靈，步作九跡，謂之星綱。禹見鳥步星綱，轉石木，取蛇食。禹學之三年，術成，能覆九斗，配星於足，以足指物即轉，不知手為之。後登剡山嶺之巔，有神人謂之曰：足履手指，何以足履，亦使足指。王不見靈鳥足履指，禹拜之而受。後得道，驅使神鬼蛟龍虎豹，開決山川，引理江河，分別九州。後登帝位，方取道解易形變，而昇太極。

註：雖不得上清真人，而在太極左太一之府，掌下界之水旱。

禹受神人，

註：是務猶子授禹言也。

言曰：此看北斗者，中斗天關星也。

註：道家經言中斗大魁，總監眾靈，如是即中斗是也。《大金鎖流珠品》云：今看北斗，是中斗也。有人卒

急官兵，并疾患，求之速於水火，用之在人心手，相應不離人手掌，身心亦有所主之訣，在掌圖中。

太上老君曰：中斗主管四斗，二十八宿星屬管也。一日一夜，周天一匝，北

斗畏敬，而朝帝尊二大真星也。其中斗第三星號真人星，以管此天下求真仙之人。所以修行學道之人，故當合隨履，不敢觸犯真人星，恐有剋折人之名命也。並有九星，亦須步綱時存念，捻真人帝尊等三星之訣。

註：訣在《金鎖流珠掌中訣》。又在心中，存見三真。

常以一月之中，一月之中，五度步綱，註：綱亦有七星，即不畫輔弼星也。真人星位不合，用避不躡，須履步之。

世號之曰躡地紀。今此法須步北斗七星，除灾度厄，上生出死，收攝凶人神鬼、龍虎豹精、妖崇毒蛇之類，天地大魔。皆須用北斗，就配衣收指之。即止，不用中斗也。其北斗七星，正名斗、牛、女、虛、危、室、壁是也。而用法正名，即呼配斗君也。即呼魁、魍、魍、魍、魍、魍、魍。

註：緣人不知北斗正名，所以呼陽明陰精，非也。此是中斗，添益人年壽，著功於人間，陰與仙品，與北斗

同行之。先從北斗修行，次即中斗修之。有功有厄，求救救人，速於水火，驗也。

後聖君告總真曰：卿與吾傳至真上教，須是志人。

註：非人不傳。志人令心志傳說教授。

如是志心之人。即教授此法，分付令得真人修行。勿令志人失功損命，卿則非總真人之任也。吾令一一傳卿，卿須一一傳教志人，志人修行，莫過於此也。傳授醮用，

註：傳《金鎖流珠正經》之後，醮祭以畢，則依此法行之。

後每日夜行，用吾告祭以畢，則

註：告命無勅，配七宿之名於五斗君也。但一斗當直，便即封名。魁、魍、魍、魍、魍、魍、魍等位輪天衛人，自得其真。修行常如含影圖。

封位者，任志人驅使。

註：志人不可以驅使七星蓋身，如被衣之用，不以存使魍關，損煞物命。日則靜處，步七星圖，使魂魄俱與身

同登也。使身神常備體不散，七星輝耀，鬼神畏之，含似含影，出似含弘，其道自真，天地敬衛，神鬼從使，天魔保迎，三官奏功，功滿白日昇仙，真人也。

行住坐卧，莫得離身。

註：志人存七星，不論晝夜，常思念蓋身，一年身神如星光明也。

一年象真。

註：如此行法一年，眼中神光變為七星，常蓋頭上。知者往往閉眼如見，似七星之形，長數寸，在頭額上，有時居胸上，有時入五藏之中。智人知之，想像存思，自成七星在身也。天魔地精百鬼，見而自伏。經云：一年辟非。

二年含真。

註：一年行住坐卧，常存告封七星不休，七星降精，入至身中，轉輪周行，如轉天，故名含星真炁輪星真，名入上清，故能辟兵。

三年定真。

註：志人行住坐卧，常叩齒捻訣，訣

在掌圖中。名都監、都師、大道等三訣。存七星不休，三官畏於七星，敢有留尋，又不敢令三尺，定志人善惡功過，上奏天帝。所以九會無文，可憑善惡，便注入真仙，落除死籍。又無殺傷怨對，身長履躡天綱地紀，無病堅固不死，定魄制魂，取真不退其心，故名定真也。

四年地真。

註：志人修行地紀，又步天綱，行住坐卧不休，兼服靈符、六甲、三皇，如此之者，得人之真，故名地仙真。且如經言地仙，但單行步天綱，或單行躡地紀，即得地仙之位。鬼神精崇，不能干其一人身，家親猶被惡神精妖所崇，未能鎮一家，何況於他人。如此得地仙人之位。但是天地神靈鬼精、妖惡龍虎畏敬，受使如奴。非但一家一身，能以符力救護他衆人，居凶惡之地，反為福德之鄉。坐灾禍之家，消為吉祥之宅。神力既得如此，不可妄行用。如忠良太上後聖二君。切不許輕洩，慎

之。

五年之後，漸妙通神。一七年，

註：一七年行北斗七星也，又一七年行中斗七星。此二七等星，太平金闕後聖玄元玉皇上道君，勅符告封七星，衛佐人身，名位號魁、魁、魁、魁、魁等仙品，佐佑人。令志人受者，立能取仙真也。如有上智志人，辨知此二等同修，則一十四年得天真之官，白日上昇。或舉家奉修，則拔宅鷄犬猶得同去，何況人口同昇。

五斗當直。

註：五斗者，東西南北各一斗也。各七星，并中十有五斗。斗有一君，七星官各有名，在《金鎖》第二卷中。後聖君勅封地紀天闕，名七星魁魁等者，皆衆斗君差星官，依魁、魁等位當直也。假令春以東方君，差角、亢、氐、房、心、尾、箕直中斗，為號魁、魁等，用禁指也。夏南斗，秋西斗，冬北斗，四季中四斗君主，差所主北斗中斗也。

七斗配衣，用以畢。平坐，魁頭向綱，鳴鼓十五通。

註：前七斗配衣，亦有出官修行法，具在前項。須行出官畢，然始配七斗衣，後行用亦如之。畢，方始步祝，解五行大害。

謹出臣

註：則玄。

等

註：是弟子妻子繼代孫即，餘人不合。

身中三五功曹。

云云，《金鎖流珠》上卷中，舊亦有，不似後聖君，再添授全具，故赤書也。

出官了，即立。先存手把景星，先舉左足，祝曰：三五舉足作。萬神諾，三五成，萬神并，三五行，隱影形，入青雲。便行事，握固，閉炁，戴天柱一過。若消灾厄，急用左銜劍，禹步，步祝三五首。

註：三遍，誦五首，速於水火，其灾自消。

第一祝：吾受天地炁，當為天地使。云云。

在《流珠》上卷中，舊老君授。

第二祝：

註：後聖君下再授天師。

吾生於父母。云云。

《流珠》在上卷中。

第三祝：

註：太上道君教老君，老君授於夏

禹，禹反之，出乾坤祝。

吾生於父母。云云。

第四祝：

註：禹翻太上老君第三祝辭一句，

得乾尊耀靈四字，天降成成去灾

賜求長□祝常修行用，此法賜禹，禹

誦行之得道。

乾尊耀靈。

註：此四字禹言。《註：坤字，天

□□演出。

順內營，二儀交泰，六合利貞。配天享

地永寧肅清。應感玄黃，上衣下裳。

震登艮興，□成離明，巽王兑生，虎步

龍翔。天門地戶，人□鬼行，衛吾身

者，昊天旻蒼。今日禹步，上應天綱。鬼神竇伏，下辟不祥。所求如願，萬靈無敢當。叱咄。

註：則玄。一云是吾。

身中五苦八難，九厄百病，千灾萬禍，凶人惡鬼，圖謀口舌，天羅地網，皆伏魁綱之下，無動無作。急急如新出老君律令。

第五祝：

註：禹步攘灾求願祝，常用修長生。

乾元重覆，坤大厚載。云云。

在《流珠》上卷中。

後聖告天師曰：五首祝，若但消灾，至

三尊辟非二首止，便步綱收灾禍，人鬼

他自伏休。

註：計通前八首便步綱。綱是北斗

女虛中斗，順倒反三，又禹步三，即

止。

又須捻人鬼力支。

註：支訣也。

三日灾散事休，即勿捻訣。若求長生，

乃可悉用後九首祝。

註：《金鎖流珠》上卷。前後發廬，

出官。祝啓天師。常以甲子日收災害。又云：有災害病即行用，不在

甲子、晦朔、庚申。

一月三旬，旬行一日。

註：天師一旬二日，修長生，與中斗同修行。

又庚申、本命、六甲日。

註：甲子、甲戌、甲申、甲午、甲辰、甲寅日也。

修行之前，修北斗，後中斗，別自有經，在《流珠中篇》。

註：《金鎖經上篇》四卷是，其《流珠中篇》五卷是也。

謂太微天帝，飛步天綱。

註：用此音綱紀之字，不用此剛字，本步罡即是此字。禹因理水登山，剛步法成。禹用之方，用躡地罡法術，此字即是。

經後聖君授，故名《大丹隱書》。上古謂玉籙，後聖君改爲流珠，金籙改爲金鎖。別名曰《太上隱書》。

註：今人有不識之者。

第六北斗罡圖，圖七星，無輔弼星也。

從斗第一星起，男左足前登，右足至牛星。

註：是北斗星名，二十八宿之數也。

次女星。

註：皆順天道轉，左足常令前發。女即右足，常令前發是。

次虛，次危，次室，次壁星也。七星周遍，以左轉身一叩。陰祝：來生去死，又：禍去福生。

註：此是順行也。

又倒行一遍，倒行從第七星，向第一星是也。又返行。

註：從第一星向第七星是也。即分爲禹步求真。

次即禹步。是禹演天綱地紀，出爲禹步，求真，禁百物。人神龍物，鬼精蟲獸，蛇毒之怪等，伏而勿殺，拒而不伏者誅之。其理有併五斗作三步九跡，或三十五跡，大禹步，有一十五跡。是此二等禹步，去灾出厄，求仙入真之內訣矣。

註：道士只知有飛天綱之法，而不知有地紀及禹步之法。但用二七

年，不獲神而非之，為不神不聖之言，非神仙之書。且後聖君分明改示《三五金鎖流珠》之書。三者，一象天地人，二三元將軍上元中元下元，三步綱有訣。臨步之時，五色絲縛訣，訣在掌訣中。若求長生，捻司命目，三官目。若百禁，捻某物目。若敵兵，捻天兵目，大將軍目等用之。

金鎖流珠引卷之一

①金鎖流珠引：原題中華總真大仙王方平、張道陵、趙昇、王長、司命李仲甫、茅盈、許玉斧等撰述，以係假託，不足據。然此書內容爲《混元聖跡》所引，故當爲北宋前著作。其注多自署「風讀」、「風見」，似與李淳風有關。全書凡七十八簡，詳述步綱踏斗，書符持咒、考召神鬼、齋醮作法、煞伐行運、消灾去疾等述，融天師、上清諸派之法術爲一家，爲研究北宋前道教法術狀況的重要文獻。

金鎖流珠引卷之二

中華總真大仙宰王方平張
道陵趙升王長司命李仲甫
茅盈許玉斧等係代撰述
中華仙人李淳風註

三步九跡圖

此圖老君授禹，禹步三步九跡。

註：禹躡前地紀，順、倒、返三事訖，即先兩足。不論禹步小大，二事不用便履斗，但依圖存用之。



右左右禹步，求長生剋灾害等用之。後聖君告天師，初為飛天綱，躡地紀，禹步翻為九跡，亦中斗數也。順、倒、反三遍也。


註：三遍履，不如三綱三度，作禹步左右作之。

若急速欲之得力，但三步履舊綱，左右各一遍。男童左，女童右。

註：左右訖，更須一重遍是三。

是代順、倒、反三遍也。如若收凶惡行兵之法，欲恐有灾於身，步二十八宿之禹步而出之。百步綱訖，三十五日之內，驗於水火。

註：按老君告禹初授躡斗，成後，但禹步耳。



二十八宿，後聖授王君也。先從北斗而起，次東斗，次南斗，次西斗，畢登中斗，而不履真人星。夫履北斗，求請法，拾甲子訣。東斗拾甲寅訣，南斗拾甲午訣，西斗拾甲申訣，中斗拾甲戌，甲辰訣，此是隨方斗訣也。修行長生，以朱墨塗司命訣目，不者即五色絲縛之，即步綱。三年，成地真，以至通司命來下，與除死籍。

註：甲子等金命人，以丙午、丁巳為司命。木人以庚申、辛酉為司命，水人以戊辰、己未為司命，火人以壬子、癸亥為司命，土人以甲寅、乙卯為司命，修行用。

凡此步綱三等，畢即誦後九祝。

註：祝訖，存二十八宿於身如圖。

圖在《金鎖第三中元圖》中。

後十二祝三祝入前誦，亦須列其名。

第一，一行一過，祝：昔受玄師，教我步綱，所求者得。云云。

散行一轉綱外，拾禁鬼訣及遊師訣。

第二，行綱一過，

註：祝步斗。